



KOPO YA GO DIRA DITLHOPHO: GO THAPIWA GA MALOKO A LE MARARO (3) GO BOTO YA LEKGOTLA LA KGASO LA AFORIKA BORWA (SABC)

Ditheo le/kgotsa batho ka bongwe ba lalediwa go tlhophathiro tsa maloko a eseng a khuduthamaga mo Botong ya Lekgotla la Kgaso la Aforika Borwa, tseo di tlhagelelang e le ka ntlha ya go ikogela morago ga Moh Nomvuyiso Batyi le go rola marapo ga Moh Rachel Kalidass le Moh Febbe Potgieter- Gqubule, lobaka le le setseng la paka ya kantoro ya Boto ya ga jaana jaaka e tlhagisitswe mo Karolo 13 ya Molao wa Kgaso, Nr 4 wa 1999.

Lekgotla Kgaso la Aforika Borwa le tlhomilwe go ya ka Molao wa Kgaso (1936) jaaka kgwebo ya puso go neelana ka ditirelo tsa seyalemoya le kgaso tsa thelebišhene go Aforika Borwa.

Ditlhokego: Maloko a Boto, e le setlhophha, ba tshwanetse go nna batho ba: • ba maleba go dira mo Botong go ya ka makwalo a bona a thuto, bokgoni le maitemogelo mo maphateng a pholisi ya kgaso le thekenoloji, taolo ya bobegakgang, molao wa mmediya, tiragatso ya tsa kgwebo le matlotlo, go bapatsa, bobegakgang, boitapoloso le thuto, mmogo le merero ya tsa loago le tsa merero ya tsa bodiri • ba itlamile go sa tseye letlhakore, kgololosego ya go ntsha maikutlo, tshwanelo ya setšhaba go neelwa tshedimosetso, mmogo le boseng bofitlha le go tsaya maikarabelo mo karolong ya bao ba tshwereng kantoro ya setšhaba • ba emele karolo e e farologaneng ya setšhaba sa Rephaboliki • ba itlamile go ya ka maikaelelo le metheo jaaka di thalositswe mo Papetlaneng ya SABC • Gape bathlophiwa ba tshwanetse go nna baagi ba leruri ba Aforika Borwa mme ba nna mo Rephaboliking

Ditlhopho tse di kwadilweng di tshwanetse go nna le leina ka botlalo le aterese ya setheo le/kgotsa motho yo o dirang tlhopho, tshaeno ya go bontsha tumelelo ya motlhopiwa le Kharikhulamo Bithae, e bontsha bonnye tshedimosetso e e latelang: • Leina ka botlalo, Nomoro ya Bukanaitshupo le bong • Aterese ya kgolagano, nomoro ya mogala le ya fekese, aterese ya imeile • Maitemogelo a pejana (o nopola matlha le mekgatlho e e amegang) • Dikhopi tsa makwalo a thuto ao a netefaditsweng le bukanaitshupo.

Ditlhopho le dipotso di tshwanetswe go romelwa go Mokwaledi wa Komiti, Rre Thembinkosi Ngoma, Komiti ya Tiro ya Ditlhaeletsano. 3rd Floor, 90 Plein Street, Cape Town, 8000 kgotsa romela imeile go tngoma@parliament.gov.za kgotsa ka fekese go 0865225740. Dipotso ka mogala di ka dirwa mo nomoreng ya 021 403 3733.

Letlha la bofelo la go dira ditlhopho: Labotlhano, 15 Seetebosigo 2018 ka 16:00. Tsweetswee ela tlhoko gore makwalo a dithuto a bathlophiwa a tla netefadiwa. Ditlhopho tse di leng thari ga di kitla di tsewa tsia.

E rebotswe ke Rre CHM Maxegwana, MP – Modulasetilo: PC ya Ditlhaeletsano.

Parliament. Making Democracy Work.